

ხელშეკრულება №-----

ქ. თბილისი

“25“ იანვარი 2012წ.

სსიპ საქართველოს ეროვნული საინვესტიციო სააგენტო, მისი დირექტორის, ქეთევან ბოჭორიშვილის სახით, შემდგომში “მყიდველი”, ერთის მხრივ და შპს „ჯი-მარტი“, მისი გენერალური დირექტორის, მიხეილ ჩარკვიანის სახით, შემდგომში “მიმწოდებელი” მეორეს მხრივ დებენ წინამდებარე ხელშეკრულებას შემდეგზე:

1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების 2-ე პუნქტით გათვალისწინებული ანაზღაურების სანაცვლოდ, მიმწოდებელი ვალდებულია შემსყიდველის მიაწოდოს ჰიგიენური და წარმომადგენლობითი ხარჯებისათვის გათვალისწინებული პროდუქცია.
- 1.2. ხელშეკრულების საგნის CPV კოდია: 15831000 (შაქარი), 15860000 (ყავა.ჩაი და მონათესავე პროდუქტები), 39800000 (საწმენდი და საპრიალებელი საშუალებები), 44411700 (ნივთები აბაზანისა და სამზარეულოსთვის) 33700000 (პირადი ჰიგიენის პროდუქტები)
- 1.3. ხელშეკრულების გამარტივებული წესით წარმოების საფუძველია სახელმწიფო შესყიდვების შეასხებ საქართველოს კანონის 3-ე მუხლის პირველი პუნქტის ს ქვეპუნქტი
- 1.1 მიმწოდებელი პერიოდულად, მყიდველის მოთხოვნის შესაბამისად აწვდის საქონელს მყიდველს, ხოლო მყიდველი იღებს და იხდის მის ღირებულებას ამ ხელშეკრულებით გათვალისწინებული პირობებით.
- 1.2 ამ ხელშეკრულებაში საქონელს წარმოადგენს მყიდველის მიერ მოთხოვნილი საქონელი, რომლის ჩამონათვალიც გაკეთდება ყოველი მოთხოვნისას ცალკე და გადაეცემა მიმწოდებელს წერილობითი ფორმით (ფაქსი, ელ-ფოსტა, წერილი და ა.შ).

2. საქონლის მიწოდების ვადები და წესი

- 2.1 საქონლის მიწოდების ვადებზე შეთანხმება ხდება ყოველი კონკრეტული პარტიისათვის.
- 2.2 საქონლის მიწოდების ადგილია ქ. თბილისი, ქ. თბილისი, ფარნავაზ მეფის გამზ.№1.
- 2.3 მომსახურების მიღებას ახორციელებს საქართველოს ეროვნული საინვესტიციო სააგენტოს დირექტორი.
- 2.4 საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების, და საჭირო დოკუმენტაციის წარმოდგენის შემდეგ.



3. მხარეთა უფლება-მოვალეობანი

- 3.1 მიმწოდებელი:
- 3.1.1 ვალდებულია გადასცეს მყიდველს მოთხოვნაში მითითებული საქონელი წინასწარ დადგენილ ვადებსა და ფასში.
- 3.1.2 მიმწოდებლის ვალდებულება საქონლის გადაცემაზე ითვლება შესრულებულად მყიდველისათვის ანგარიშფაქტურით ან სასაქონლო ზედნადებით საქონლის გადაცემის მომენტიდან.
- 3.1.3 საქონლის გადაცემასთან ერთად მიმწოდებელი მყიდველს გადასცემს საქონლის მიწოდებისათვის აუცილებელ ყველა საჭირო დოკუმენტს, რაც მოითხოვება მყიდველის მიერ გაკეთებულ მოთხოვნაში მითითებულ საქონელზე, საქართველოს კანონმდებლობის შესაბამისად.
- 3.1.4 მიმწოდებელი მყიდველს გადასცემს ნივთობრივად და უფლებრივად უნაკლო საქონელს.
- 3.2 მყიდველი:
- 3.2.1 ვალდებულია მიიღოს საქონელი და გადაიხადოს მისი ღირებულება ამ ხელშეკრულებით განსაზღვრული პირობებით.
- 3.2.2 მიმწოდებლისაგან საქონლის მიღებისას მყიდველი ამოწმებს მისი დასახელების, რაოდენობის და ხარისხის შესაბამისობას მის მიერ გაკეთებულ მოთხოვნასთან.
- 3.2.3 შემოწმებისას უხარისხო საქონლის აღმოჩენის შემთხვევაში, მყიდველს უფლება აქვს მოსთხოვოს მიმწოდებელს საქონლის ნაკლის გონივრულ ვადაში გამოსწორება ან მისი შეცვლა ხარისხიანი საქონლით.
- 3.2.4 საქონლის გადაცემის მომენტიდან მისი დაზიანების ან შემთხვევითი დაღუპვის რისკი მთლიანად გადადის მყიდველზე.

4. ფასი და ანგარიშსწორების წესი

- 4.1 ხელშეკრულების საერთო ღირებულება განისაზღვრება – 1500 (ათას ხუთასი) ლარით (დღგ-ს ჩათვლით), მათ შორის 15831000 (შაქარი) – 100 ლარი, 15860000 (ყავა.ჩაი და მონათესავე პროდუქტები) – 500 ლარი , 39800000 (საწმენდი და საპრიალებელი საშუალებები) – 100 ლარი, 44411700 (ნივთები აბაზანისა და სამზარეულოსთვის) – 200 ლარი, 33700000 (პირადი ჰიგიენის პროდუქტები) - 600 ლარი.
- 4.2 ანგარიშსწორება ხორციელდება სახელმწიფო ბიუჯეტის სახსრებით.
- 4.3 ანაზღაურება მოხდება უნაღლო ანგარიშსწორების ფორმით, საქონლის მიწოდების შემდეგ, საჭირო დოკუმენტაციის და მიღება-ჩაბარების აქტის გაფორმებიდან 10 (ათი) საბანკო დღის ვადაში;
- 4.4 საქონლის საფასურის გადახდა ხდება უნაღლო ანგარიშსწორებით.
- 4.5 საქონლის ფასის შეცვლა ხელშეკრულების მოქმედების მთელი პერიოდის განმავლობაში დასაშვებია საცალო ფასის გაზრდის ან შემცირების, ინფლაციის მაღალი დონის, სავალუტო კურსის ცვლილების და საგადასახადო რეჟიმის შეცვლის შემთხვევაში.



5. ხელშეკრულების პირობების შეცვლა და შეწყვეტა

- 5.1 ხელშეკრულების პირობები შეიძლება შეიცვალოს მხარეთა დამატებითი, წერილობითი შეთანხმების საფუძველზე. ცალმხრივად შეტანილი ცვლილება ან დამატება ბათილია შეტანის მომენტიდან.
- 5.2 ყველა დამატებითი შეთანხმება ან სხვა რაიმე საბუთი, რაც მხარეთა მიერ მიღებულ იქნება ამ ხელშეკრულების მოქმედებასთან ან ხელშეკრულების ტექსტიდან გამომდინარე, წარმოადგენენ ამ ხელშეკრულების განუყოფელ ნაწილს.
- 5.3 მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ შეთანხმების მიუღწევლობის შემთხვევაში, დავის საკითხს განიხილავს სასამართლო.

6. ხელშეკრულების ვადები

- 6.1 ხელშეკრულება ძალაში შედის მასზე მხარეთა ხელმოწერის მომენტიდან და მოქმედებს 2012 წლის 31 დეკემბრამდე
- 6.2 ხელშეკრულება ვადამდე შეიძლება შეწყდეს თუ ერთერთი მხარე ამის თაობაზე მეორე მხარეს 15 (თხუთმეტი) დღით ადრე აცნობებს წერილობით.
- 6.3 ხელშეკრულების ვადის გასვლის შემდეგ თუ არცერთი მხარე არ გამოთქვამს მისი შეწყვეტის სურვილს, ხელშეკრულება ჩაითვლება ავტომატურად გაგრძელებულად იმავე ვადით.

7. ფორს-მაჟორი

- 7.1 თუ ვალდებულების შესრულება ფერხდება ან შეუძლებელია ერთ-ერთი მხარისათვის დაუძლეველი ძალის გარემოებათა გამო (ხანძარი, წყალდიდობა, ომი, საომარი მოქმედებები, სახელმწიფო აქტი და ა.შ.), მხარეები დროებით, ამგვარი გარემოებების ლიკვიდაციამდე თავისუფლდებიან პასუხისმგებლობისაგან. დაუძლეველი ძალის დადგომის ფაქტი უნდა დაფიქსირდეს წერილობით.

8. დასკვნითი დებულებები

- 8.1 ამ ხელშეკრულებაზე ხელისმომწერი მხარეები ადასტურებენ, რომ ხელშეკრულების ყველა პუნქტი და პირობა, გაგებულია მათ მიერ სწორად და ეთანხმებიან მათ.
- 8.2 წინამდებარე ხელშეკრულება შედგენილია ქართულ ენაზე, ორ ეგზემპლარად ყოველი მხარისათვის ცალ-ცალკე. ორივე ეგზემპლარს გააჩნია ერთნაირი იურიდიული ძალა.



9. მხარეთა რეკვიზიტები

მიმწოდებელი:
შპს "ჯი-მარტი"

ქ. თბილისი, ჭავჭავაძის გამზ. №9

ტელ: +(995 32) 242300

ფაქსი: +(995 32) 242301

ანგ. ანგარიში GE61 TB36 15336020100004

"თიბისი ბანკი", თბილისის №7 ს/ ცენტრი

ბანკის კოდი TBCBGE22

საიდენტ. კოდი 206343991

გენ. დირექტორი:

მ. ჩარკვიანი

ხელმოწერა

ბ.ა.



მყიდველი:

სსიპ საქართველოს ეროვნული

როვნული საინვესტიციო სააგენტო

ქ. თბილისი, ჭანტურიას №12

ტელ: 2 433 433

ანგ. ანგარიში 200122900

ბანკი ეროვნული ბანკი

ბანკის კოდი 220101222

საიდენტ. კოდი 204990082

დირექტორი:

ქეთევან ბოჭორიშვილი

ხელმოწერა

ბ.ა.

